

Date: December 6th, 2007
Source: ENI News Portal

[Index](#) | [Eni News Video](#) | [Oglasi](#) | [Kontakt](#) | [Miss SBK 2008](#) | [Vremeplov](#) | [Foto galerije](#)



NLB 7

Seminar o upravljanju programima prekogranične suradnje

ČETVRTAK, 06 DECEMBAR 2007

(406 pregledano)



U organizaciji Cross border institution bulidinga (CBIB), regionalnog projekta Evropske unije za jačanje kapaciteta za prekograničnu suradnju, u Sarajevu se već drugi dan održava obuka za predstavnike državnih institucija Bosne i Hercegovine o upravljanju programima prekogranične suradnje između zemalja zapadnog

Balkana, a u okviru Instrumenta za pretprijetupnu pomoć (IPA) Evropske unije.

Na dvodnevnom kursu polaznici su upoznati o najvažnijim koracima u procesu provedbe prekogranične suradnje u okviru IPA-e, neophodnim institucionalnim okvirom. Predstavljeni su glavni akteri tog procesa.

Definirani su njihove uloge i ključni koraci u provedbi grant shema: priprema i objavljivanja javnog poziva, evaluacija prijedloga projekata i selekcija te finansijska realizacija programa.

Google oglasi

[Izveštaji i analize](#)
Saveti i novosti o alatima za izveštavanje.
Demo CD besplatno!
www.ReportsandAnalysis

Voditeljica grupe CBIB-a Nataša Gospodjinački izjavila je za Fenu da je ovaj regionalni projekt EU-a vrijedan 2,7 miliona eura za 27 mjeseci trajanja. Pokriva cijelu regiju zapadnog Balkana tj. sve zemlje u regionu osim Slovenije, koja je već članica EU-a.

„Riječ je o edukaciji državnih službenika da bi znali upravljati fondovima za prekograničnu suradnju. Proces je složen i zato moraju postojati zajedničke institucije koje su sada u fazi formiranja. Znači da BiH sa svakom od zemalja partnera (Hrvatskom, Crnom Gorom i Srbijom) mora uspostaviti zajedničke institucije koje onda upravljaju navedenim fondovima.

Obuci prisustvuju, među ostalim, predstavnici Direkcije za evropske integracije, Direkcije za ekonomska planiranja, PIU jedinice Ministarstva komunikacija i transporta, Ministarstva finansija, Ministarstva sigurnosti, Vlade FBiH i Saveza općina Republike Srpske.

IPA je finansijski instrument EU-a za period od 2007. do 2013. godine. Prekogranična suradnja u okviru IPA-e odnosi se na suradnju između članica EU i zemalja zapadnog Balkana.

Osnovni princip prekogranične suradnje u okviru IPA-e je obostrana dobrobit: programi se zajednički pripremaju, provode se s obje strane granice, formiraju se zajedničke strukture za upravljanje programima, a projekti koji se biraju zajedničkim procesom selekcije zajednički se i finansiraju. Na taj način se promoviraju unapređenje suradnje i progresivna ekonomska integracija zemalja zapadnog Balkana, što je ključni faktor za uspostavljanje političke stabilnosti, sigurnosti i privrednog prosperiteta.

U 2007. godini u procesu koji je koordinirao CBIB kao projekt koji pokriva teritoriju cijelog regiona pripremljeno je i Evropskoj komisiji podneseno osam programa prekogranične suradnje između zemalja zapadnog Balkana. Do kraja godine očekuje se njihovo zvanično usvajanje.

BiH učestvuje u tri programa: s Hrvatskom, Crnom Gorom i Srbijom.

Fena